



**Republika e Kosovës**  
**Republika Kosova - Republic of Kosovo**

AGJENCIA KUNDËR KORRUPSIONIT  
 AGENCIJA PROTIV KORRUPCIJE  
 ANTI - CORRUPTION AGENCY



REPUBLIKA E KOSOVËS/REPUBLIKA KOSOVA/REPUBLIC OF KOSOVO  
 AGJENCIA KUNDËR KORRUPSIONIT  
 AGENCIJA PROTIV KORRUPCIJE  
 ANTI-CORRUPTION AGENCY

DATË/A:	18.07.2019	Dep. Dep. Dep.	DPKI	Nr Prot. Br Prot. Prot No.	06-01/1539/19
REFERENC-Ë:	AKK-DPK-DPKI-03-02-1022/18	Nr. faks Nr. pagas	04	Data Datum Date	18.07.2019
PËR/ZA/TO:	<p>z. Valdrin LLUKA, Ministër          Ministria e Zhvillimit Ekonomik</p> <p>z. Shyqyri Musliu, Drejtor i Njësisë për Politika dhe          Monitorim të Ndërmarrjeve Publike</p> <p>z. Halit Isufi, Kryesues i Bordit të Drejtoreve të Ndërmarrjes          Publike, Posta e Kosovës Sh.A</p>		PRISHTINE		
CC:	z. Sejdi Hoxha, Krye shef Ekzekutiv, Posta e Kosovës Sh.A				
NGA/OD/FROM:	Shaip Havolli, Drejtor i Agjencisë kundër Korruptionit				<i>Sejdi Hoxha</i>
TEMA/SUBJEKAT/SUBJECT:	<b>OPINION</b> lidhur me shqyrtimin e gjendjes së mundshme të konfliktit të interesit				

I nderuar z. Lluka,

Agjencia Kundër Korruptionit, mbi bazën e kërkesave të shumta të pranuara nga subjekte të ndryshme, ka shqyrtuar situatën e cila ka të bëjë me çështjen e papajtueshmërisë eventuale apo konfliktit të interesit, subjekt i së cilës është z. Sejdi Hoxha, i cili është zgjedhur Kryetar i Partisë Demokratike-dega në Drenas, në kohën sa ushtron funksionin publik Kryeshef Ekzekutiv në Postën e Kosovës Sh. A.

Në kuadër të kompetencave të Agjencisë Kundër Korruptionit, në aspekt të parandalimit të konfliktit të interesit, sipas Nenit 21 paragrafi 1, nën-paragrafi 1.5 të Ligjit Nr.04/L-051 për Parandalimin e Konfliktit të Interesit në Ushtrimin e Funksionit Publik (më tutje Ligji për Parandalimin e Konfliktit të Interesit), Agjencia ofron: *këshillim për zyrtarë të lartë të veçantë, udhëheqësve, institucioneve udhëheqëse, me kërkesën e tyre, për raste të caktuara të shfaqjes së konfliktit të interesave, përfshirë këshillime të veçanta për personat zyrtarë sipas këtij ligji pasi janë shterur mjetet e brendshme në institucionet punëdhënëse dhe kur gjykohet e domosdoshme përfshirja e Agjencisë*.



Adresimi që është bërë në Agjencinë Kundër Korrupsionit ka të bëjë me shqyrtimin dhe vlerësimin e situatës së konfliktit të interesit pas zgjedhjes të z. Sejdi Hoxha, si Kryetar i Partisë Demokratike-dega në Drenas, i cili njëkohësisht ushtron funksionin publik si Kryeshef Ekzekutiv në Postën e Kosovës Sh. A.

Me këtë rast, Agjencia Kundër Korrupsionit, pas shqyrtimit dhe vlerësimit të informacioneve të adresuara si dhe në bazë të sqarimit nga Ministria e Zhvillimit Ekonomik, Njësia për Politika dhe Monitorimin e Ndërmarrjeve Publike, konform kompetencave të saj të përcaktuara me Ligjin për Parandalimin e Konfliktit të Interesit, Neni 21 paragrafi 1, nën-paragrafi 1. 7 dhe 1.5, ofron këtë:

## OPINION

- I. Angazhimi apo zgjedhja e zyrtarit të lartë z. Sejdi Hoxha, në pozitën e Kryetarit të Partisë Demokratike-dega në Drenas, krahas ushtrimit të funksionit publik si Kryeshef Ekzekutiv në Postën e Kosovës Sh. A, sipas Ligjit për Parandalimin e Konfliktit të Interesit nuk është i ndaluar dhe nuk konsiderohet si papajtueshmëri në ushtrimin e funksionit publik.
- II. Çështja e vlerësimit të përshtatshmërisë profesionale si dhe ligjshmërisë së mbajtjes së funksionit të Kryeshefit Ekzekutiv të Ndërmarrjes Publike Posta e Kosovës, në raport me zgjedhjen e z. Hoxha si Kryetar i Partisë Demokratike-dega në Drenas, duhet të bëhet nga Bordi i Ndërmarrjes Publike Posta e Kosovës Sh.A, si autoritet udhëheqës i drejtpërdrejtë, në koordinim me Njësinë për Politika dhe Monitorimin e Ndërmarrjeve Publike në Ministrinë e Zhvillimit Ekonomik, që konform mandatit të paraparë në dispozitat përkatëse të Ligjit për Ndërmarrjet Publike dhe akteve tjera relevante që rregullojnë fushë veprimtarinë e ndërmarrjeve publike.

## ARSYETIM

### I.

Opioni i Agjencisë Kundër Korrupsionit ofrohet mbi bazën e Ligjit për Parandalimin e Konfliktit të Interesit, konform parimeve, rregullave dhe procedurave sa i përket sjelljeve të lejuara dhe të ndaluara të zyrtarëve gjatë kryerjes së detyrës publike, përfshirë edhe papajtueshmëritë në ushtrim të funksionit publik, procedurat për detyrimet e raportimit, masat për parandalimin, identifikimin, menaxhimin dhe zgjidhjen e rasteve të konfliktit të interesit publik dhe private të zyrtarit gjatë dhe pas ushtrimit të detyrës publike, si dhe detyrat dhe përgjegjësitë e autoriteteve përgjegjëse.



Në kuptim të kësaj, zyrtari ka për detyrë të parandalojë dhe të zgjidhë vetë në mënyrën më efektive të mundshme, çdo situatë të konfliktit ndërmjet interesave të tij publike dhe private, kur zyrtari ka dyshime apo konstaton se konflikti i interesit ka lindur ose mund të lindë, ai duhet të këshillohet dhe të informojë sa më parë udhëheqësin e drejtpërdrejtë apo organin udhëheqës.

Çdo udhëheqës dhe institucion udhëheqës duhet të marrë të gjitha masat e nevojshme për të parandaluar dhe zgjidhur rastet e konfliktit të interesit, e në rast se udhëheqësi apo institucioni udhëheqës nuk është i bindur për ekzistimin e konfliktit të interesit apo dyshon se edhe vetë ka ose mund të ketë konflikt të interesit, atëherë i drejtohet Agjencisë për marrje të vendimit për rastin.

Prandaj, mbi bazën e të gjitha pretendimeve të adresuara në rastin konkret, Agjencia Kundër Korrupsionit ka konstatuar se sipas Ligjit për Parandalimin e Konfliktit të Interesit, angazhimi ose zgjedhja e z. Sejdi Hoxha, në pozitën e Kryetarit të Partisë Demokratike dega në Drenas, në kohën sa ushtron funksionin e Kryeshefit Ekzekutiv, Posta e Kosovës Sh.A, nuk është i ndaluar, dhe nuk konsiderohet si papajtueshmëri në ushtrim të funksionit publik, konform paragrafit 1 të Nenit 13 të Ligjit, i cili përcakton çështjen e papajtueshmërisë në ushtrimin e funksionit publik, dhe shprehimisht parasheh si në vijim:

*"Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkates për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të ligjit, subjektet politike si dhe rastet kur një funksion i tillë i dedikohet me ligj për shkak të funksionit"*

Nga kjo kuptohet se, angazhimi i zyrtarit z. Sejdi Hoxha nuk konsiderohet si papajtueshmëri në ushtrim të funksionit publik, mirëpo kjo nuk do të thotë apriori që nëse me një ligj tjetër të veçantë apo akt tjetër nënligjor kjo çështje të rregullohet ndryshe, nisur nga parimi i paraparë në Ligjin e Parandalimin e Konfliktit të Interesit ku thuhet se: zyrtari duhet të ushtroj funksionin e tij publik në pajtim me ligjin dhe kodin e mirësjelljes, ta kryejë punën e tij me ndershshmëri, ndërgjegje, paanshmëri, të ruajë autoritetin e zyrtarit dhe institucionit dhe me punën e tij të forcojë besimin e qytetarëve në institacione, të shmang konfliktin e interesit pavarësisht nëse ai është real, i mundshëm apo në dukje, si dhe nuk mund të përdorë pozitën apo funksionin e vet për t'i avancuar interesat e veta personale apo të personave të afërm.

Përveç tjerash, konform Nenit 8 paragrafët 1, 2 dhe 3 të Ligjit për Parandalimin e Konfliktit të Interesit, zyrtari duhet të ketë parasysh obligimet dhe detyrimet e tij për parandalimin dhe zgjidhjen e konfliktit të interesit si në vijim:

- me marrjen e detyrës dhe gjatë ushtrimit të saj, zyrtari ka për detyrë që të parandalojë dhe të zgjidhë vetë në mënyrën më efektive të mundshme, çdo situatë të konfliktit ndërmjet interesave të tij publike dhe private;
- në rast se zyrtari ka dyshime apo konstaton se konflikti i interesit ka lindur ose mund të lindë, ai duhet të këshillohet dhe të informojë sa më parë udhëheqësin e drejtpërdrejtë apo organin udhëheqës;
- çdo udhëheqës dhe institucion udhëheqës i zyrtarit duhet ndërmarrë të gjitha masat e nevojshme për të parandaluar dhe zgjidhur rastet e konfliktit të interesit.

## II.

Rrjedhimisht, institucionet mbikëqyrëse duhet të vihen në funksion që të bëjnë vlerësimin dhe mbikëqyrjen ligjore në aspekt të çështjes së përshtatshmërisë profesionale për mbajtjen e funksionit të Kryeshefit Ekzekutiv të Ndërmarrjes Publike Posta e Kosovës Sh.A, në raport me angazhimet apo përfshirjen në subjekte politike, duke marrë për bazë Ligjin për Ndërmarrjet Publike si dhe aktet tjera që rregullojnë fushë veprimtarinë e ndërmarrjeve publike.

Duke u bazuar në faktin, se Ministria e Zhvillimit Ekonomik, Njësia për Politika dhe Monitorimin e Ndërmarrjeve Publike, Bordi i Ndërmarrjes Publike Posta e Kosovës Sh.A, sipas Ligjit për Ndërmarrjet Publike, janë autoritete udhëheqëse dhe mbikëqyrëse, të përcaktuara si në Nenin 7.1 të Ligji, ku thuhet se: “*Aksionari(ët) e një NP do të ushtrojë mbikëqyrje të vazhdueshme dhe rigorozë të veprimtarisë së Bordit të Drejtorëve dhe Komisioneve të Auditimit të NP-së në fjallë*”, si dhe Nenit 18.1 të Ligjit për Ndërmarrjet Publike ku thuhet se: “*Bordi i Drejtorëve të NP-së do të ushtrojë mbikëqyrje të vazhdueshme dhe rigorozë, në veçanti, të veprimtarisë së zyrtarëve të NP-së*”, Agjencia Kundër Korruptionit konform detyrave dhe përgjegjësive te saj të përcaktuara në Ligjin për Parandalimin e Konfliktit të Interesit rekomanon:

Ministrinë e Zhvillimit Ekonomik, Njësinë për Politika dhe Monitorimin e Ndërmarrjeve Publike, Bordin e Ndërmarrjes Publike Posta e Kosovës Sh.A, si autoritete udhëheqëse dhe mbikëqyrës të Kryeshefit Ekzekutiv, z. Sejdi Hoxha, të bëj vlerësimin dhe mbikëqyrjen ligjore të çështjes se Përshtatshmërisë Profesionale për mbajtjen e funksionit të Kryeshefit Ekzekutiv të Ndërmarrjes Publike Posta e Kosovës Sh.A, në raport me angazhimet apo përfshirjen në subjekte politike, sipas legislacionit në fuqi për funksionimin e Ndërmarrjeve Publike, si dhe të njoftoni më pas Agjencinë Kundër Korruptionit lidhur me veprimet e ndërmarra.

Në mbështetje të Nenit 18 (parografi 11) të Ligjit Nr. 03/L-159 për Agjencinë Kundër Korruptionit, Agjencia mund të rihap rastin në çdo kohë nëse paraqiten rrethana të reja.